

تورک یوردی

تورک اوجاقلری مرکزی هیئتی طرفندره نشر اولنور.

جلد ۲

حزیران ۱۳۴۱

نومرو ۹

خطابه

[تورک اوجاقلری قورولتائی، مذاکراتی، یئیردکن صوکر، ۳۰ نیسان یرشنبه آقشامی، مرخصلره آنقره
تورک اوجاغنده پروداع ضیافتی ویریلشدی. بوضیافتده حمدالله صبحی بک طرفندن ایراد ایدیلن خطابه تک
اکمل ضبط ایدیه ییلدیگمز قسملی آشاغی یه درج ایدیورز:]

عزیز آرقداشلر!

تورک اوجاقلرینک ایکنجی قورولتائی چالیشمغه باشلادیغی کوندنبری دویدیغ
الشراحی، حق غروری، سزه ناصل ایضاح ایدیه جگمی بیلمیورم. بکا اعتماد ایدیگمز،
قرشکیزده دویدیغ حس، هرشیدن زیاده درین برغرورددر. قورولتائی آچیلمش
ومذاکره لریمز باشلامشدی. بن اوطوردیغم کوشه ده آراسرا باشمی آرقیه چویره رک
سزی برر برر سیر ایدیوردم. کوزلرم، بریکزک اوزرنده برمدت دالوب قالیوردی.
ارکیمدی؟ استانبول اوجاغنک ایلک سنه لرنده فقیر متواضع بنامزک ایچنده مصاحبه لری
دیکله مک کلنر یکریمی بکشی نی کچدیکی وقت اسکمله یتهدیکی ایچون
ایکی اوج آرقداشیلر برابر دیوان یولنده برغازینویه کیره رک اورادن صیرتنده اسکمله
طاشان ومسافرلره اوطوراجق یر تدارک ایدن اسئی براوجاقلی! بردیگرینه باقیورم:
کیجه یاریسندن صوکرایه قادار دوام ایدن، برتورلو بیتمه سنه راضی اولمادیغمز بر
طوبلانمک نهایتنده اوینه دونمکه امکان بولامادینی ایچون برماصه نک اوسته
انقز و یورغانسز اوزانه رق اویویان بر آرقداشمز! یانی باشنده کنی سیر ایتدیگم
وقت خیالم چوللره قادار اوزانیور، حرب عمومی سنه لرنده «خفیر» ده بوش مسافه لرک

بر اوجنده، ایصسز بر کوشه ده، بر خسته نك باشه آنا شفقتیله اکیلمش بر دوقتور
 کوریورم: یاتان خسته بر اوجاقلی، تداوی ایدن دوقتور بر اوجاقلی؛ فیرطنه، فراغت
 و اولوم کونلرنده بونلر بر برندن ایرلیورلر. خیالم چالیشمقده دوام ایدیور. چوللره
 اینن بودوقتورلرک خسته خانه سنده آلمانلر وار. حالبوکه «بترین» ده آلمانلرک
 کندینه مخصوص بر خسته خانلری اولدینی حالده، اونلر، تورک خسته خانه سنده تداوی
 ایدلمکی ترجیح ایدیورلر. چونکه اوراده «وظیفه نك حدودلری امکانله اولچولوره
 دییه بر اوجاقلی چالیشیور. اوراده صیرانك باشنده اوطوران اسمر بر جهره اوستنده
 کوزلرم دوریور، طانیورم: او، قره دکز ساحلرینی روس دوغماسی طوبه طوتدینی
 وقت «خوبه» ده خسته خانه نك دوقتوری، قصبه نك قائممقامی، ژاندارمه نك ضابطی اولش،
 بوتون وظیفه لری کندی اوزرنده طوپلامش اولان اسکی بر اوجاقلیدر. داها اوتده
 چوق کنج یاشنه رغماً همان همان عمرینك یاریسنی حربدن حربه قوشمقله کچیرمش
 و شیمدی سیویل بر ضابط اوطوریور. یوزینك چیز کیلرینه دقت ایتسه کزنه قدار
 سکون و دقت فرق ایدرسکز. حالبوکه اونك باشی اطرافنده نه قیامت لر قویمشدر.
 اوده، وطن اوجاقلرندن برینك مرخصی اوله رق آره مزده در. صیره لرده، اوزون
 سنه لر در، تورک کنجلیکنه ملیتک یوکسه لیجی الهامنی ویرمش مر بیلر کوریورم.
 تورک وطننک بر اولوم ویا حیات مجادله سنده وظیفه قبول ایتمش و قبول ایتدیکی
 وظیفه یی مطمئن والهی بر ظفره ایریشدیرمش مبعوث و اوجاقلی آرقداشلرله تصادف
 ایدیورم. اجتماعک ایچنده یکریمی بش، اوتوز سنه در تورک دنیاسنک ملی شعوره
 ایرمسی ایچون قلمیله مجادله ایدن محررلر کوزه چارپیور.

اجتماعکز، بویوک و محترم بر قوت تظاهریدر. بونک ایچوندرکه چوق عزیز
 آرقداشلر، قارشیکزده ساده جه مسعود بر تهیج دکل، مؤسسه نك انکشافی
 کورمکدن متولد ساده بر انشراح دکل، بویوک عقیده نك جانندن مؤمنلرینی کورمکه
 غرور دویویورم. عجبا هانکی غرور بوغروردن داها محق اوله بیلیر؟
 آرقداشلر، تمثیل ایتدیکنز اوجاقلرک مهم بر قسمی مملکتک مختلف کوشلرنده
 کندی کوزلرله سیر ایتدم. بودقیقه ده اونلری برر برر خاطر لیورم. فکرک قوتی

نه قادار بويوكش كه مملكتى باشند باشه صارسان ييقان وياقان فلاكتلر مؤسسه مزك بر آن انكشافه بيله مانع اولمادى .

وقتيه عثمانلى ايمپراطورلغنىك يالكىز بر شهرنده ، او شهر كده يالكىز بر كوشه سنده بر تك اوجاغىز آچيلمىشدى . شمدى نرديه كيتسهك ، نه قادار مسافه قطع ايتسهك دائما قارشيمزه جبهه سنده عيى كملرله بر « تورك اوجاغى » چيقيور . جنوبه اينيورسكىز . اوزون مسافه لر سزى حركت نقطه كزدن آيرييور . فقط باقيورسكىز ، يكي دن زيارت ايتديكىز بوقصبه نك برسوقاغنده ، استانبولده كورديكىز اوجاق ، اولرك صره سى ايچنه كيرمش بكليور . شمال ساحللىرى كزييورسكىز ؛ اوجاق ينه قارشىكزه چيقيور . بعضيلرى اوجاق مسجدلر حالده در . قايىسندن ايجرى يه كورديكىز وقت ساده لك ، فقر ، محروميت در حال كوزكزه چارپار . سياه چولله اورتولمش بيكلر ، اوستنده بر كلیم پارچاسى اولميان چيلاق دوشمه تحته لرى بوياسز ، ائى رنده لغمه مش ايكي ماصه ، بو اوجاق اوجاغك بوتون اشيا سنى تشكىل ايدر . ديوارلرده قاچار خاندانك شاهلرينه بىكزر عجم باصامسى رسملره تصادف ايدر سكىز . بونلردن برى فوزى پاشايى تمثيل ايدر . غازى ، آت اوستنده كوكلره دوغرو حمله ايدن بروضعيته كوسترلمشدر .

آرقداشلر ! بوفقىر كوشه ، اشيا دن ، صنعت دن و ذوق دن محروم اولان بو كوچوك اوجاغىكز فكرى ، مقصدى ، ايمانى اولان بر زمرة نك اجتماع يريدر . بومسجدك كندينه مخصوص بر جماعتى واردر . مسجد نه قادار فقير ايسه ، جماعت معنا اوقادار بويوكدر ، زنكىندر . بكا اينانكىز تعريف ايتديكم بو متواضع چرچوه لر ايچنده اويله كنجدره تصادف ايتدم كه اونلرك هر برى مملكتك قوص قوجه بر منطقه سى ايچون حقيقى بر وارلق قوتيدر . حكايه سنى آكلاتديغم بو كوچوك اوجاقلردن باشليه رق بتون بر خلقك حرمت و محبتيله محاط اولان نه قدرتلى اوجاقلر مزده واردر . بونلر ائى بنالر ايچنده كافى تجهيزاته وتشكىلاته مالك ، قالا بالق بر جماعتك دائمى زيارتنى قبول ايدن معبدلر مزدر .

آرقداشلر ! شمدى بو دقيقه ده بنى ديكله ين فريد جلال بلكه آطنه دن عودت

ایدیوردی . اوجاقلرک وظیفه واستقبالی حقنده بکا بعض سؤالر صورتی .
اوکا سولدیکم بر سوزی سزه تکرار ایدم جکم : بیلیرسکز ، طاغ باشنده ،
یالکزلقدن بونالان بر چوبان بعضاً قارشى طاغه سسله نیر . اوراده طانیدینی بر
چوبان سوروسنک باشنده بکلیورمی ؟ بونی آکلامق ایچون براسم سوبلیه رک
حایقیریر . قارشى طاغدن جواب آلیرسه آرتق اویالکز دکلدر ، چونکه قارشى
طاغده سوروسنی بکله یین برچوبان واردر .

آرقداشلر ! تورک اوجاقلری بو وضعیتده در ، طاغدن طاغه سسله نن چوبانلر
وضعیتده در . هیمز اولدیغمز کوشه دن حایقیریورز . طاغلر بوش دکلدر .
تورک اوجاقلری معصوم سورولرک باشلرنده بکلیور ، وظیفه لرینی کوریورلر . سز
شمدی بنی دیکله یین مرخصلر ، بوش اولیان طاغلرک بورایه یوللادیغی حیات
سسلری ، وارلق سسلری ، مجاهده سسلری دکلیرسکز ؟ بن ، مملکتی دوشونه رک
قونوشدیغم بودقیقه ده سز جواب ویریورسکز :

« کندی کوشه مزده یز ، ایش باشنده یز وسورولری بکلیورز ! »

عزیز آرقداشلر ! اوزون آیریلیش عصرلرندن سوکره قاووشمه کونلرینه
واصل اولدق . هر استقامتده فتوحات یوللرنده اوزاقلاشانلر بربرینی آرامغه
وطوپلانمغه باشلادیلر . یانی باشمده طوران آغا اوغلی احمد بکی کوریورمیکز ؟
قورولتایمزه ریاست ایدن بو اختیار مرشدیمز ، قارشیکزده نه یی تمیل ایدیور ؟
آیریلانلر بولوشیورلر ، حسرت چکنلر قاووشیورلر . اونک معناسی بودکلیر ؟
شمدی بو دقیقه ده تورک دنیاسنک هر بوجاغنده روحلرک ایچنده اللر اوزاتش
اوزاقده کی قارده شلری آریور .

حدودلرملتلری آیریرمی ؟ اورمانک ایچنه بر دیوار چکیکز . آچاقلرک کوکلری
دیوارک آلتندن بربریه بولوشور . بوتون تورک دنیاسی برلک شعورینی ادراک ایتمه
باشلامش واللر داغیلان قارداشلرک النی طوتمق ایچون مسافهلر ایچنده اوزاتمشدیر .
شریف بکک طایغالره عائد بر خاطره سنی تکرار ایدم جکم . بوکنج ضابطمزا افغانستاندن
دونرکن اسکی تورک مملکتلرینه اوغرادى . طایغالرده بر آقسام ساعتی کزرن

بوزقيرلرک ابتدائی برتورکيله قارشى قارشى يه کليور . دائماً ذهنتده بويوك فکرى کزديرن تورک ضابطى اوچدورت بيک سندهنبرى ديشمهين برصورتده عيى حياتى سورن قديم تورکله قونوشمق ايستيور . لهجه لر آيرلش ، مشکلات چکيورلر . قيرغيز چاره سنى بوليور: تورک ضابطنک کوزلرينک ايچنه صوقوله رق شهادت پارماغنى قالديريور : « بير » ديور ، شريف بک تکرار ايديريور : « بر » . قيرغيز ايکى پارماغنى قالديريور : « ايکى » ديور . تورک ضابطى ايکى پارماغنى قالديريور : « ايکى » ديور . طايغالرده بر آقشام ساعتده بوزقيرلرک عزلته دالمش بوايکى تورک آلتى يدى عصر بر برندن آيرلقدن صو کرا تکرار قارشى قارشى يه کليورلر . صايى يدى يى ، سکزي بولونجه قيرغيز شهادت پارماغنى شقاغنه کوتوريور ، « آکلادم » اشارتى کوستريور وتورک ضابطنک بويته صاريليور : « بز قرده شز ، سن تورکسک ! » ديور .

بو کون بوتون تورک لهجه لرى ايچنده صايليريمزى هجه ليه رک اقليم اقليم ، ديار ديار بر بر يمزله طائيشيورز . حدودلر نه يه يارار ؛ ديوارلرک اوستندن داللر ، ديوارلرک آلتندن کوکلر بر بر يله قاريشدقن صو کرا ؟

آرقداشلر ، تورک اوجاغنک مثالى اوقادار قوتليدر که شهرتى تورک جمهوريتنک ساحه سندن چوق ايلرى يه کيتمشدر . نره ده بر آووچ تورک وارسه امين اولاييلر سکزه ، اوراده بر تورک اوجاغى واردر . بو اوجاق بعضاً کوزه کورونور ، بعضاً ده کوزه کورونمز . کوزه کورونمىلر کوزه کورونلردن داها آز جانلى دکلدر . اولرده صيراسنى بکليور . ياقين ويا اوزاق بر کونده اونوتلش بر تورک ديارينک بر کوشه سنده جماعتى سسه چاغيراجق ، جماعتى محرابنک اوکنده طوپلاياجق ، بنا اوله جق ، اجتماع اوله جق ؛ اولکون بر کوشه نک ايچنده برايشيق ، بر حيات عقده سى اوله رق اورتايه چيقاچقدر . اينانيرميسکزه که اسكى تورک مملکتلرنده اقصى شرقک ، چينک ، بزم ايچون همان همان اونوتولش قسملرنده ظلمک آلى ماده کلوب قايسىنى قاپا تجه يه قادار بر چوق تورک اوجاقلرى آچيلدى وبويوك فکرى تلقين ايتمکه باشلاديلر . رسول زاده امين بک استانبولده بر نطقنده ديوردى که : « انکيلز لر با کويه کيردکلرى

وقت اك اول تورك اوجاغنى آراديلر واك اول اونى قاپاتديلر « استانبولده ده بويله اولدى ، از ميرو بروسه ده ده بويله اولدى . يالكز بود فعه دشمن الى بر باشقه ملتكدى . اسكى توركستانده ، چينده باشقه اللرينه اوجاقلرى قاپاتديلر . اوجاق بر بنادكلدر . اوجاق بر فكردر ، بر عشقدر ، برايماندر . فكر و عشق دشمن النك سوندورمه سى ممكن اولمايان شيلردر . كوريورسكز : سز بود عوانك اك كوزل ، اك اصيل دليللريسكز . برسنه ظرفنده يتمشدن يوزاوتوز بشه واران اوجاقلر يمزك عددى فكرك نصل جوشقون بر جريان ايله آقوب كيتديكىنى كوسترمكه كفايت ايتزمى ؟ سزه باقيورم ، نه دوشونيورم بيليرميسكز ؟ تورك اوجاقلرى مملكتك هر طرفنده بر علم و صنعت ، بر حرث و اقتصاد ، بر شفقت و تساند جريانى وجوده كتير مشدر . قولك دامارلرنده آقان قان كي اوجاقلردن اوجاقلره علم ، صنعت ، حرث و اقتصاد ، محبت و برلك جريانلرى آقيور . بورادن قالقان صنعتكار بر كانجيكلز ، ايچنده فيرطانلر اويويان ، عشق كيزله ن آلتيه اوجاقدن اوجاغه دولاشدينى وقت مملكت تورك صنعتكارىنى طانياجق .

تورك اوجاغى تورك خلقنه صنعتك يوكسلتن ، اصيللشديرن تاثيرلرني داغيته رق صنعتك حاميسى ، صنعتكارك دوستى و تورك خلقك خادى اولاجقدر . دو قورلر كز صحى مصاحبه لرني ياپاجق . تاريخچيلر كز انكين تورك تاريخنى تورك خلقى او كنده تشرىح ايدم جك .

صنعت و صناعت سر كيلرى صنعت و صنعتكاره منفعت و حرمت جلب ايدرك مملكت ، مملكت اوجاقلردن اوجاقلره انتقال ايدم جك . بودقيقه بنمله برابر دوشونكز : سيواسك سلچوق خاطره ليله دولو اولان تاريخى محيطنده تورك اوجاغنك سالوننده بر اجتماع ترتيب ايدلمش ، عمرينك يكرمى بش ، اوتوز سنه سنى تورك اجتماعياته حصر ايتمش اولان مبارك ، محترم بر عالمكز ، ديكلينلر ك خشوع و حرمتى اورتاسنده تورك تاريخنده قادينك موقعى ، حيثيت و اعتبارنى ايتضاح ايدىور . ديكلينلر خشوع و مراقبه حالنده دز . مملكتكزك يوز ، ابكى يوز كوشه سنده علم و صنعت اطرافنده اجتماعلر ترتيب ايدن ، عالمى ، مرشدى ، صنعتكارى

حرمت و محبتله صارارق اونلرك يتيشمه سنه مساعد برهوا وجوده كثرين اوجاقلر كز نه عزيز بروظيفه درعهده ايتمشلردر . كويلرده يارديم اولرى تأسيس ايدرك تورك كويليسنه يعنى تورك ملتك كوكنه شفقت و صحابت النى اوزاتان مؤسسه كز نه مبارك بر وظيفه درعهده ايتمشدر . علمدن ، صنعتدن ، حرثدن آلدیغمز قوتى خلقه شفقت و خدمت صورتنده اوزاتاق ، ايشارك اك فائده ليسى ، اك فضيلتلىسى دكيدر؟ اوحالده اوجاقلر مزی بويولده داهافعال ، داهامؤثر بر قابليتہ اصعاد ايدہ جكز .

نجه تورك اوجاغى بر جوق وظيفه لرى آراسنده ايكي مهم احتياجي تطين ايتمكه مجبوردر : بواحتياجلردن برى دولت تشكيلاتى آلتنده ملت تشكيلاتنه يارديم ايتمكدر . بيليرسكز ، ايضاح ايتمكى لزومسز صايارم : اسكى ايمپراطورلغمزده تورك دولتى زده دن چكيلمشه تورك خلقى فيرطنه يه قاپيلان ياپراقلىر كبي داغيلوب پريشان اولمشدر . هر مسلكى ، هر فعاليتى بر تشكيلاتنه استناد ايتمين بر ملتك حكومتى نهايت قدرتى محدود بر حكومتدن باشقه نه اولابيلير . تورك اوجاقلرى ايچنده تورك ملتك مسلك و صنعت تشكيلاتى كنديلرينه مساعد و دوست بر محييط بولمايدر . اوراده دوقورلر ، معلملر ، مهندسلر ، بوتون مسلك اربابى تورك حكومتك رسى تشكيلاتنى اتمام ايدمك خصوصى و مسلكى تشكيلاتنى ياپايامك ايچون لازممكن مظاهرتى ، يارديمى بولابيلميدرلر . بويوك مركزلرده بوكا احتياج اولمادىنى دوشونوله بيلير ، فقط اوجاقلر مركز مهم بر اكثرتى مملكتك اويله مركزلرنده بولونيوركه هر نوع مسلك اربابى اوجاقلردن كندى تشكيلاتلرى ايچون استفاده ايتمكه مجبوردرلر . بونلره بوتون قلمزله مظاهرت ايتملى يز .

آرقداسلر ! ايكنجى نقطه : تورك اوجاقلرى بر مدنيتدن ديكر مدنيتنه كچن تورك ملتنه بو استحاله دورنده رهبر اولمغه مجبوردرلر . اطرافمز عملى و حياتى بر مدنيتك ضربه لريله ييقلمش ، خراب اولمش مؤسسملر و اونلرك انقاضيله دولودر . ايجمزده و طيشمزده بر نقطه يوقدر كه منسوبى اولديغمز اسكى مدنيتك اوراده خرابه لرينه تصادف ايتيم . آداب معاشرتدن ، حكومت صولندن ، حيات فلسفه سنه قادار هر شئى حاكم ، مستولى و قادر يكي بر مدنيتك ايجاباتنه اويديرمق مجبوريتتده يز . تورك اوجاقلرى بويكى مدنيتك ناشرى ، رهبرى و خادميدرلر . كندى

طوبراقلىرىمىز اوستىدە عىنى حكومتك اداره سىندە بويوك بردوغو حرىكى كوستىرن
غير تورك وغير مسلم ملتلك انكشافى سىبىلىرى غىرب مەنىتىك عواملى آراسىندە
تەئىت ايدىنىك لازىمكىلر .

تورك اوجاقلىرى بوعواملى برر برر طانىه جق وتورك خلقىنه طانىتاجقذر . برجه
ايله دىيە بىلىرم كە بز ، صوك استىقلال مجادله سىندە غىربە قارشى مجادله ايدرك ،
حقى غىربى مغلوب ايدرك غىربىلىنى مظفر قىلمش بر ملتز . بز مغلوب اولسايدق
شرقىلىق قازانىردى ، غىرب مغلوب اولوردى . بز قازاندىق كويا غىرب مغلوب
اولدى . فقط حقىقتە قازانان غىربىلىقذر . كىم انكار ايدە بىلىر كە بز غىربىن كلن
ملىت فكرلىرىن الهام آلاراق غىربك بزه وىردىكى دستورلرله سلاخلانەرق غىربك
المزه اوزاتدىنى آلتلرله بوغوشە بوغوشە آسانك كەنە بر كوشە سىندە بوتون بشرى
پىشە قاتوب كوتورن خلقىلىق وانقلاب دستورلىرى مظفر قىلىق . بونك ايچون
تورك اوجاقلىرى غىربىلىك مەئىدىرلر .

عزيز آرقداشلىر ، انتھالر ، هرانسان قاي ايچون حزن وىرن برشىدر . مذا كره لرك
بىتمەسى ، وسىزك آيرما كىز شەمدى يە قادار قىلمك طانىدىنى انتھالر آراسىندە اك مؤثر
اولانلردن برىدر . كوزلرم سىزى سىر ايدركن بىلە شەمدىن ايچىمدە براز غىرب
حس ايتىمكە وسىزك حسرتكسىزى دوىمغە باشلادم . بىليورم كە ، كلە جك سە داھا
قوتلى اولارق كلە جكسىز . كلە جك سە داھا قالابالق اولارق طوپلانە جىغىز .
هيجانمىز داھا درىن اولاجق . قورولتايە داھا بويوك بر مساعى يىكونى كىرە جكسىز .
بىليورم ، قاپىسنىك او كىندن كچن هر تور كە ايفا ايتدىكى وايدە جكى خەمتلرله
« مبارك مؤسسە » دىدیر تە جك اولان اوجاقلىرىمىز كلە جك سە كىندى تارىختە
بويوك بر انكشاف داھا قىد ايدە جكذر . سىزى بووداع اقشاممىزدە آيرما كىزك
كدرى ايچىندە قىلم بوامىدلە دولو اولاراق سىر ايدىيورم . بونك ايچون قىسماً
متسلىم . كلە جك سە كى طوپلانما مىزدە هر برىكىزى ياپىلان ايشلرك سعادى ايچىندە
مغرور كوره بىلىمك اك بويوك امىدمىز . بوامىدىمى سويلر كن سىزە هر زماندن داھا
بويوك موفىقىتلر دىلييورم .

آرقداشلىر ! بر دىقە حرب سەلرینە عاند آجى فقط جوق عزيز بر خاطرە ايله سىزى
مشغول ايتىمك اىسترم . حرب عمومىنىك دشمنلرە اسىر دوشوردىكى كىچىضابطلر مىزدن برى

مصرفدن عودت ايتديكى وقت بكا برقاج رسم كتيتمشدى . بورسملردن برى ، بر
 آناطولى خريطه سنى كوسترييوردي . بردن بره عجمى برالله چيزلش بوخاطره نك
 نه اولديغنى آكلامادم . ضابط بكا ايضاحات ويردى : « سيد بشير » ده تورك
 ضابطلرى ، قرارگاه قوماندانندن بر آناطولى خريطه سنى ايستيورلر . قوماندان ،
 بورجايى رد ايدىيور . آرادن سكز اون كون كچد كدن صوكر ضابطلرمن بردفعه
 داها مراجعتده بولونويورلر . بودفعه ده آلدقلى جواب قطعى برردن عبارت .
 اووقت قرارويرييورلر : « وطن خريطه سنى بز كنديمز چيزه جكز . » ساحل چوجوقلى
 يايلا چوجوقلىيله ، قصبه چوجوقلى كوى چوجوقلىيله باش باشه ويردك
 تيره ين برالله ياواش ياواش كونلرجه اوغراشه رق ، دوزه لته رك ، تكرار چيزه رك
 بروطن خريطه سنى وجوده كتيرييورلر . بركون هپسى برآرايه طوپلانمش خريطه نك
 اوستنده كى اورتونى چكرك رسم كشادى ياپيورلر . هپسك كوزلرى ياشلى ،
 هپسى هيچان ايچنده قىلارنده حسرتى يانان تورك وطنى يان يانه سىز سيرايدىيورلر .
 آرقداشلر ! او اجتماعله بو اجتماعى بربرينه بكنزه تيورم . عجبا ، بزده ، حسرتى
 چكديكمز بروطنك خريطه سنى چيزمكله مشغول دكلى يز ؟ تورك اوچاقلارنده
 چالیشان سىزلر قىلارمىزك ايچنده خيالى دوران مسعود ، مرفه ، معمور وقادر
 برتورك وطنك چيزكيلرني آرامقوله مشغول دكلى يز ؟ تورك كنجنك ، تورك
 منورينك عشقندن وطاقتندن غيب اولان وطن ، يكيدن دوغدى . محبوس واسير
 تورك منورى وطنك حدودلرني تكرار چيزدى .

شىمدى بودقيقه ده سىز نه ياپيورسكز ، بيليرميسكز ؟ سىز ، عزيز آرقداشلر ،
 خبركز يوق ، يكي بروطن خريطه سنى چيزيورسكز ، آناطولينك ، روم ايلينك
 يوزلرجه كوشه سنده امكلىرىكزك وجوده كتيردىكى يكي شكلر بربرينه اكلنديكى
 وقت ، كوره جكسكز ، حيران وياشارمش كوزلركزله كوره جكسكز ، يكي بروطن
 دوغمش اوله جقدر . قوى ، مسعود ، معمور ، طوپراقلى وهوالرى ،
 ده كيلرلى سى وحيات اوغولتيسى ايله دولو ، بويوك زنكين وقادر بروطن .
 ارقداشلر ، كيدىكز ، كندى كوشه كزده چالشمقده دوام ايدىكز ،
 اثرلركز بويويه رك كنيشله يه رك يان يانه كلدىكى وقت اوزله دىكز كون كلش ،
 يكي تورك وطنى قورولمش اوله جقدر .